

傷寒論翼

載翁屬
耐冬題



傷寒論翼序

昔在軒岐明天運立人道觀造物之本原列生成之
形狀以為列象布形者皆在五行流行出入者節在
三氣故曰其生五其氣三人有氣交之中稟有經絡
藏府肢體與天同而寔異則又為之別列人躬定其
表裏曰三陽為表三陰為裏顯其體用又曰太陽為
開陽明為闔少陽為樞太陰為開少陰為樞厥陰為
闔由是六經列而三氣從三氣定而六經顯內以蘊

其性情外以布其營衛源，本，條分縷析萬病之所出入舍六經其將誰以哉後世不明斯旨一切強索之於病形之名若巢氏之分列病源不推病由務多名目孫真人之立方命名千金欲著奇驗所重在方下至陳無擇三因約其所致而不明所抵雖以劉河間之高明而作原病式亦但知有者求之而未悟無者求之，理夫六經者元氣營衛之所體要寒熱虛寔之所考徵舍茲而往則經絡表裡為開為闔為

樞之道流散無窮何病能察而得其一致耶仲景先
師天縱之聖起而傳述闡發一本內經特拈六經以
鈐百病酌提綱以定準則為辨脉以著叅攷因著為
傷寒雜病論十六卷于今尚存序文斯可徵矣自林
和寔昧不思尋其所集務欲自鳴其菟採刪輯竟以
傷寒名論竟失其原文且述內經熱病論以概之謂
七日為日傳一經六經為傷寒而設自此而後叔和
亂之諸家仍之衆盲摸象百喙繁鳴卒莫能出其窠

白透其元旨不知內經所論傳經特熱病之一條而
仲景先師所論則統攝內經病原而萬條萬貫卒使
其法已拈而莫究其旨方明而遽晦豈不痛哉千百
年來非不有特見孤明之士悟於和之陷穽而特拈
一二之疑文然入焉不精語焉不詳咸闕陷埋沒於
傷寒論三字之中我友韻伯柯先生憤其所以然曉
夜孜孜于先聖內經之蘊返視一聽冥搜元悟攻苦
二十餘年遂能抉其堂奧而昌明之凡前人之承訛

齟舂相仍而莫敢出手眼者悉明目張胆痛快析之
為後學夜半太陽之一暉自此仲景之書可讀內經
之旨益明六經察病之法遂定而虛寔辨症之妙可
不煩多索而拈此非所謂知其一萬事畢者歟謂余
不敏獨以此事此書相謀余得受而藏之亟謀剖剝
以公海內然必有同好者出豈獨知之契乎哉

肯

康熙丁巳春仲新安布衣羅美拜手誤

傷寒論翼自序

世之稱傷寒論者不啻百餘家究其所作不出二義
一則曰仲景本文而為註疏猶公穀說春秋而為之
傳也一則自為主論而引仲景之文以徵之猶韓嬰
說詩而為外傳也引徵者固不得斷章取義之理註
疏者反多以辭害義之文所以仲景宮牆不得其門
而入耳仲景先生著傷寒雜病論合十六卷良法大
備此靈素後絕無僅有之書在靈素已具諸病之體

而明鍼法之巧妙至仲景復備諸病之用而詳方藥之準繩其常中之變上中之常靡不曲盡自王叔和編次傷寒雜病分為兩書乃於本論妄削去雜病然論中雜病留而未去者尚多是叔和虛有傷寒論之專名終不失傷寒雜病合論之根蒂也名不附實是非混淆古人精意勿彰是以讀之者鮮而旁門歧路莫知適從豈非叔和編次之謬以致之歟世謂治傷寒者即能治雜病豈知仲景雜病論即在傷寒論中

凡傷寒而外即雜病而傷寒中又最多雜病夾雜其間故傷寒與雜病合論則傷寒與雜病之症治井然今傷寒與雜病分門而頭緒不清必將以雜病混傷寒而妄治之矣嗟乎仲景不專為傷寒說後人專為傷寒著書徒有傷寒之名竟忘傷寒之實自朱奉議出而傷寒之書日多傷寒之病絕無矣非真無傷寒也惣不識何症是傷寒也陶節菴出而傷寒之書更多傷寒之病亦多矣非真傷寒之多也即金匱中雜

病亦盡指為傷寒也是則活人書傳而仲景之活法
廢全生集出而後學之生機絕矣今世錮於邪說反
以仲景為難讀不知仲景書皆剡和改頭換尾刪削
補湊非本來面目也冠脉法序例於前集可汗不可
汗等於後列瘧濕暍於太陽之首霍亂勞復等於厥
陰之外雜鄙見於六經之中是一部王剡和之書矣
至林億等較正諸本之異同而不得仲景原集惑於
傷寒論之命名又妄編三百九十七法一百一十三

方之數以附會舛和所定之傷寒由是欲知仲景之
道更不可得成無已信古篤好作註論兩書矯然特
出惜乎生於林億之後欲為仲景功臣無由得其真
傳故註仲景書而仲景書旨多不合作明理論而傷
寒之理反不明曰不得仲景傷寒雜病合論之旨故
不能辨許叔微三方鼎立之謬反集於註開疑端以
待後人豈非為三百九十七法等說所誤乎由是方
中行有條辨之作而仲景之規矩準繩更加敗壞名

為翻洲和之所偏實以減仲景之活法也盧子由作
疏鈔金匱不編林億之數目不宗許氏之三經意其
有見而又以六經上配六氣增標本形層本氣化氣
等說仲景之法又何堪如此撓亂哉近日作者蜂起
尚論愈竒去理愈遠條辨愈新古法愈亂連牀充棟
摠不出三百九十七與三大綱之迷途仲景六經反
茅塞而無辨不深可惜耶原夫仲景之六經為百病
立法不專為傷寒一科傷寒雜病治無二理咸歸六

經之節制六經中各有傷寒非傷寒中獨有六經也
曰讀者精神不生令作者之妙義湮沒治傷寒者但
拘傷寒之名而不究其中論雜病之理治雜病者以
傷寒論為無關於襍病而置之罔聞將參贊化育之
書悉歸狐疑之域愚甚為斯道憂之學者欲入仲景
門當先明六經之路拔諸家疑幟破叔重和圍則其
中紛紛雜沓迎刃而解若無潛心體察功夫湯視遠
聽描摸影響不見仲景面目何由而得其心法哉愚

於仲景書悉心有年愧未能深究其蘊稍見此中微
理敢畧陳固陋名曰傷寒論翼不無標雜病者恐人
未知仲景合論之旨以雜病二字為不足觀耳其當
與否自有能辨之者康熙甲寅春日慈溪柯琴序

傷寒論翼目錄

卷上

全論大法第一

六經正義第二

合併啟微第三

風寒辨惑第四

溫暑指歸第五

瘧濕異同第六

平脈準繩第七

卷下

太陽病解第一

陽明病解第二

少陽病解第三

太陰病解第四

少陰病解第五

厥陰病解第六

製方大法第七

傷寒論翼目終